

(a) *Opinio maior veritate.*

O Cacas hominum mentes, & inania veri
Pectora quid recta cupimus ratione, fugae
Quis modus? unde auida culpata licentia mentis?
Et labor infelix, & inanis fabula vitae?
Vota modum superant, animo grauiora timemus
Quam patimur, sensusque ipsos metus acrius urit
Quam dolor, optati frustra est spes magna laboris,
Deceptaque preces, paruis mens agra fatiscit
Casibus, & rebus nimium sufflamur amicis.
Nulla animi requies, nusquam pudor, aut modus, aut lex.
Insani affectus, & rara modestia voti.
Fallimur ad veri faciem, nocituraque magnis
Thura rogis, tristesque aris incendimus ignes:
Mox mortem, & vacui regnum trepidamus Auerni.
Quid mors est aliud, nisi meta nouissima vitae,
Pax animi, sopor aeternus, sedesque quietis?
Hanc tamen, heu miseri, fugimus, turpemque senectam
Optamus, morbosque diu toleramus inertes,
Aut probrum, & laesa damnum immedicabile fama.
Nec minor ille furor, viridis qui prima iuuentae
Tempora, natuumque decus, genique vigorem
Euigilat, studys totosque impendere soles
Nititur, & steriles chartis transmittere noctes.
Scilicet ut tarda cineres ingrata sequatur
Fama tuba, & rari merces non magna laboris,
Nomen inane Sophi, durusque in imagine macra
Archetypus inter media statuaris in arce.
Interea miseris tacito pede defluit aetas,
Labuntur dulces anni, & permissa iuuentae
Gaudia, & incautos fugit illibata voluptas.
Hinc morbi excipiunt, seseque inopina senectus
Praecipitat, tristique subit mors atra paratu.
O male quaesita laudes, ridendaque fama
Ambitio, & vana miseranda insania voti!
Is quoque, quem turpi miserum damnauit amore
Cynthia, & infamem iussit seruire furorem,
Crimen amat domine, fedaque in corpore mendas
Dissimulat, purgatque super, vitiumque relatu
Corrigit in laudem, verbisque inuoluit honestis.
Ille quidem fictos cultus, medicataque miris
Ora, genasque modis, pulchraque sub agide sacdos
Observat vultus, omnique in corpore neuo
Turpius ingenium, vitium tamen omne puellis
Cacutiens ignoscit amor, captiuoque blande
Pectora perpetuis premit imperiosus habenis.
Non rarum incauta crimen videt ecce marita
Infelix coniunx, violatque sacra cubilis
Senserat, & toto passim vestigia lecto
Senserat, atque oculis multum indignantibus haesit:
Mox tamen haec vidisse negat, lacrimisque coactis
Flectitur, & sensus demens incusat iniquos.
At quem fastosa despexit ianua mecha,
Voluitur ad postes humilis, foribusque superbis,
Supplicat, & surdum limen male sanus adorat.
Femina quae tantum graue & illeabile munus,
Igne datum contra, raptisque ex aethere flammis
Ira Iouis, prauum natura, ac debile corpus,
Nequitiaeque capax, solaque libidine sorte.
Ergo operae precium totos distendere rictus
Democriti, longosque diu ridere cachinnos,
Aut flere aeternos oculis humentibus imbres.
Nil veri solidique manet, rapit anius omnes
Error, & humanas moderatur opinio mentes.

(b) *Ver, anni tempus praestantissimum.*

Prima data est olim sanctis mortalibus aetas
Aurea, degeneri nondum vitata metallo,
Eternus cui veris honos, semperque virentes
Arboribus frondes, latoque in gramine flores
Perpetui, & dulces natui ruris odores.
Tunc & dignati nostras bona numina terras
Incolere, & pariter socios habitare recessus,
Indigitesque Dei fata tellure creati.
Improba sed postquam plebes, vulgusque prophanum
Expulerant diuos orbi, terrasque nocentes
Ultima damnarat virgo, tum denique tristis
Coepit Hyems, nudumque gelu spoliauerat annum,
Fratoque grauis latrauit Syrius astro.
Formasus perit ille decor, mutataque vita
Gaudia, & attonitum Phaebus male temperat orbem.
Illinc Erigones sudat canis, & labor ardet
Herculeus, nimique aestus, hinc improba vincunt
Frigora, & ignaua riget inclementia brume.
Parua tamen nobis veteris vestigia vitae
Ver prabet, placidi pars indulgentior anni.
Talis erat quondam primis habitata colonis
Temperies: sic sponte sua, non iussa virebant
Omnia, & Elysij etiamnum ea secula campis.
Jam noua formosi laxatur gloria veris,
Pulcher & aspectus rerum, viret undique tellus,
Nusquam nuda comas arbor, stat gramine multo
Dives humus, pictique alternant undique flores:
Augetur caeli decus, & iucundior aer
Tranquillum spirat, Zephyroque afflata tepenti
Prata benigna iacent, virides atque omnis in herbas
Surgit humus, varioque solum discrimine signat:
Natiuus blanditur honos, luxuque carentes
Delitiae, viuoque animantur prata colore.
Jam puer Idalius regnat cum matre Dione,
Atque pharetrati fratres, gens mollis amore:
Ipse bonus terram secundo rore maritat
Jupiter, & dulci descendit plurimus imbre.
Iam volucres, pecudesque ipsas, & dura ferarum
Corda relaxat amor, placidoque per omnia seuit
Imperio, & socio docet emansuere lecto.
Crescunt in venerem plantae, fit fertilis arbor,
Spemque suam gravidas olim promittit aristas
Fetus ager, dat atque auidis rata vota colonis.
Quin & corporibus nostris clementior aura
Influit, & vanae blande demulcet hiantes,
Integratque bonum vitalis sanguinis haustum,
Per sensus, corpusque micat vis enthea veris,
Humoresque malos mouet, & damno sa recludit
Otia morborum, rectumque examinat hostem.
Inde eadem virtus totas operata medullas,
In mores animumque fluit, vitamque seueram
Mitigat, & molli cogit mitescere cultu.
Magne parens florum, placidi monstrat or honesti,
Secula qui prima reddis felicia vitae,
Nobile ver, multum votis & ubique petite,
Sape redi, lentisque mane: tibi vellere toto
Concedet Phryxi ductor, caelumque remittet
Cancer, & irati cunctabitur ira Leonis.
En tibi floriferi genitabilis aura fauoni
Spirat odoriferos fructus, caelumque renidet
Blandius assurgens, dulci que inuitat amictu.
Te vita melioris opes, te terra debescens
Exspectat, grandique manet natura parata.